



UNIVERSITÄTS-  
BIBLIOTHEK  
PADERBORN

## **Avrea Gemma Christianorvm**

**Ruben, Leonhard**

**Paderbornae, 1604**

XXIII. Christus est vita nostra æterna, lætitia. gaudium & gloria sanctorum.

---

[urn:nbn:de:hbz:466:1-68313](https://nbn-resolving.org/urn:nbn:de:hbz:466:1-68313)

qua precipiens apostolis, per spiritum sanctum quod  
 elegit, assumptus est. 1. Cor. II. 1. Imitatores mei esto-  
 te, sicut & ego Christi. Ephel. 5. 1. 2. Estote ergo imi-  
 tatores Dei sicut filij charissimi, & ambulate in dilec-  
 tione, sicut & Christus dilexit nos, & tradidit semet-  
 ipsum pro nobis oblationem, & hostiam Deo, in odo-  
 rem suauitatis. 1. Petr. 2. 21. 22. In hoc enim vocati  
 estis, quia & Christus passus est pro nobis, vobis relin-  
 quens exemplum ut sequamini vestigia eius, qui pec-  
 catum non fecit, nec inuentus est dolus in ore eius.  
 1. Ioan. 2. 6. Qui dicit se in ipso manere, debet  
 sicut ille ambulauit, & ipse ambulare.

## CAPVT XXIII.

Christus est vita nostra eterna, letitia, gaudium,  
 & gloria sanctorum.

PROPHETIAE. Psal. 144. 7. 8. 9. 10. 11. 12.  
 13. Memoriam abundantiae suauitatis tuae eru-  
 ctabunt: & iustitia tua exultabunt. Misericors  
 misericors Dominus: patiens & multum misericors.  
 Suavis Dominus vniuersis: & miserationes eius se-  
 per omnia opera eius. Confiteantur tibi Domine  
 omnia opera tua: & sancti tui benedicant tibi. Glo-  
 riam regni tui dicent: & potentiam tuam loque-  
 tur: ut notam faciant filijs hominum potentiam tuam  
 & gloriam magnificentiae regni tui. Regnum tuum  
 regnum omnium saeculorum: & dominatio tua  
 omni generatione & generationem. Isai. 25. 8.  
 Praecipitabit mortem in sempiternam, & auferet  
 Dominus Deus lachrymam ab omni facie, & oppr-

brum populi sui auferet de vniuersa terra : quia Dominus locutus est. Et dicet in die illa : ecce Deus noster iste, expectauimus eum & saluabit nos : iste Dominus : sustinuimus eum, exultabimus, & letabimur in salutare eius. Ibidem capit. 35. 9. 10. Non erit ibi leo, & mala bestia non ascendet per eam, nec inuenietur ibi : & ambulabunt qui liberati fuerint. Et redempti à Domino conuertentur & venient in Sion cum laude, & letitia sempiterna super caput eorum : gaudium & letitiam obtinebunt, & fugiet dolor & gemitus. Capit. 60. 18. 19. 20. 21. 22. Non audietur ultra iniquitas in terra tua, vastitas & contritio in terminis tuis, & occupabit salus muros tuos, & portas tuas laudatio. Non erit tibi amplius sol ad lucendum per diem, nec splendor luna illuminabit te : Sed erit tibi Dominus in lucem sempiternam, & DEUS tuus in gloriam tuam. Non occidet ultra sol tuus, & luna tua non minuetur : quia erit tibi Dominus in lucem sempiternam, & complebuntur dies luctus tui. Populus autem tuus omnes iusti, in perpetuum hereditabunt terram, germen plantationis meae, opus manus meae, ad glorificandum. Minimus erit in mille, & paruulus in gentem fortissimã ; ego Dominus in tempore eius subito faciam istud. Cap. 65. 13. 14. 15. 16. 17. 18. Propter hoc hac dicit Dominus Deus : ecce serui mei comedent, & vos esurietis, ecce serui mei bibent, & vos sitietis, ecce serui mei letabuntur, & vos confundemini : ecce serui mei laudabuntur pra exultatione cordis, & vos clamabitis pro dolore

cordis, & pro contritione spiritus ululabit. Et dimittetis nomen vestrum in iuramentum electis meis: & interficiet te Dominus Deus, & seruos suos vocabit nomine alio. In quo qui benedictus est super terram, benedicetur in Deo amen, & qui iurat in terra, iurabit in Deo amen; quia oblivioni tradita sunt angustia priores, & quia abscondita sunt ab oculis meis. Ecce enim ego creo calos novos, & terram novam: & non erunt in memoria priora, & non ascendent super eos. Sed gaudebitis & exultabitis usque in sempiternum in his qua ego creo: quia ecce ego creo Ierusalem exultationem, & populum eius gaudium. Ierem. 31. 10. 11. 12. 13. Audite verbum Domini gentes, & annunciate in insulis qua procul sunt, & dicite: qui dispersit Israël congregabit eum, & custodiet eum, sicut pastor gregem suum. Redemit enim Dominus Iacob, & liberavit de manu potentioris. Ecce venient & laudabunt in monte Sion: & confluent ad bona Domini super frumento, & vino, & oleo, & fetu pecorum, & armentorum; eritque anima eorum quasi hortus irriguus, & ultra non esurient. Ezech. 34. 24. 25. 26. 27. 28. Ego autem Dominus ero eis in Deus, & servus meus David princeps in medio eorum, ego Dominus locutus sum. Et faciam cum eis pactum pacis, & cessare faciam bestias pessimas de terra: qui habitant in deserto, securi dormient in saltibus. Et ponam eos in circuitu collis mei benedictionem: & deducam imbrem in tempore suo, pluvia benedictionis erunt. Et dabit lignum agri fructum suum, & terra dabit germen suum, & erunt in terra sua absque timore

timore: & scient quia ego Dominus cum contriuero  
 catenas iugi eorum, & eruero eos de manu imperan-  
 tium sibi. Et non erunt ultra in rapinam in genti-  
 bus, neq; bestia terra deuorabunt eos: sed habita-  
 bunt confidenter absq; ullo terrore. Ioel. 3. 18. Et  
 erit, in die illa stillabunt montes dulcedinem, & colles  
 fluent lacte: & per omnes riuos Iuda ibunt aqua; &  
 fons de domo Domini egredietur, & irrigabit torren-  
 tem spinarum Vers. 20. 21. Et Iudaea in aeternum  
 habitabitur, & Ierusalem in generationem & ge-  
 nerationem. Et mundabo sanguinem eorum, quem  
 non mundaueram, & Dominus commorabitur in  
 Sion.

VERITAS. Ioan. 1. 4. In ipso vita erat, &  
 vita erat lux hominum. Ibidem. 3. 14. 15. Et sicut  
 Moyses exaltauit serpentem in deserto, ita exaltari  
 oportet filium hominis: ut omnis qui credit in ipsum  
 non pereat, sed habeat vitam aeternam. Capit. 4.  
 10. Respondit Iesus, & dixit ei: si scires donum Dei,  
 & quis est, qui dicit tibi: da mihi bibere: tu forsitan  
 petisses ab eo, & dedisset tibi aquam uiuam. Vers.  
 13. 14. Respondit Iesus, & dixit eis: omnis qui bibit  
 ex aqua hac, sitiet iterum: qui autem biberit ex aqua  
 quam ego dabo ei, non sitiet in aeternum, sed aqua  
 quam ego dabo ei, fiet in eo fons aquae salientis in vi-  
 tam aeternam. Capit. 5. 24. 25. 26. Amen, amen dia-  
 co vobis, quia qui verbum meum audit, & credit ei  
 qui misit me, habet vitam aeternam, & in iudicium  
 non venit, sed transit a morte in vitam. Amē, amen  
 dico vobis, quia venit hora, & nunc est quando mor-

qui audient vocem Filij Dei & qui audierint, viuent.  
 Sicut enim pater habet vitam in semetipso, sic dedit  
 & filio habere vitam in semetipso. Capit. 6. 33. Pa-  
 nis enim Dei est, qui de caelo descendit, & dat vitam  
 mundo. Vers. 40. Hac est autem voluntas patris  
 mei qui misit me, ut omnis qui videt filium & credit  
 in eum habeat vitam aeternam, & ego resuscitabo  
 eum in nouissimo die. Vers. 47. 48. 49. 50. 51. A-  
 men amen dico vobis, qui credit in me habet vitam  
 aeternam. Ego sum panis vita. Patres vestri man-  
 ducauerunt manna in deserto, & mortui sunt. Hic  
 est panis de caelo descendens: ut si quis ex ipso man-  
 ducauerit, non moriatur. Ego sum panis viuus qui  
 de caelo descendi: si quis manducauerit ex hoc pane  
 viuet in aeternum. Vers. 54. Dixit ergo eis Iesus; a-  
 men, amen dico vobis: nisi manducaueritis carnem  
 filij hominis, & biberitis eius sanguinem, non habebi-  
 tis vitam in vobis. Vers. 56. 57. 58. 59. Caro enim  
 mea verè est cibus, & sanguis meus verè est potus:  
 qui manducat meam carnem, & bibit meum sangui-  
 nem, in me manet, & ego in illo. Sicut misit me viuens  
 Pater, & ego viuo propter Patrem: & qui manducat  
 me, & ipse viuet propter me. Hic est panis qui de  
 caelo descendit. Non sicut manducauerunt patres ves-  
 stri manna, & mortui sunt. Qui manducat hunc pa-  
 nem viuet in aeternum. Cap. 7. 38. 39. Qui credit in  
 me, sicut dicit scriptura flumina de ventre eius fluent  
 aqua viua. Hoc autè dixit de spiritu, quem acceptu-  
 ri erant credentes in eum: nondum enim erat spi-  
 ritus datus, quia Iesus nondum erat glorificatus. Ca-  
 pit. 10

pit. 10. 9. 10. Ego sum ostium. Per me si quis introi-  
 rit, saluabitur: & ingredietur, & egredietur, & pascua  
 inueniet. Fur non venit nisi ut furetur, & mactet, &  
 perdat. Ego veni ut vitam habeant, & abundantius ha-  
 beant. Vers. 27. 28. Oues meae vocem meam audiunt,  
 & ego cognosco eas, & sequuntur me: & ego vitam  
 aeternam do eis, & non peribunt in aeternum, & non  
 rapiet eas quisquam de manu mea. Capit. 11. 25.  
 Dixit ei Iesus: ego sum resurrectio & vita; qui cre-  
 dit in me, etiamsi mortuus fuerit, viuet: & omnis  
 qui viuit, & credit in me, non morietur in aeternum.  
 Capit. 14. 6. Dicit ei Iesus; ego sum via, veritas, &  
 vita: nemo venit ad Patrem nisi per me. Capit.  
 17. 3. Hae est autem vita aeterna, ut cognoscant te  
 solum Deum verum, & quem misisti Iesum Chri-  
 stum. 1. Corinth. 2. 8. Quam nemo principum  
 huius seculi cognouit: si enim cognouissent, nunquam  
 Dominum gloria crucifixissent. Collos 3. 4. Cum  
 Christus apparuerit, vita vestra; tunc & vos appa-  
 rebitis cum ipso in gloria. Tit. 2. 13. Expectantes bea-  
 tam spem, & aduentum gloriae magni Dei, & salua-  
 toris nostri Iesu Christi. 2. Petr. 1. 2. Simon Petrus,  
 seruus, & apostolus Iesu Christi. Ihs. qui coequalem soro-  
 rici sunt fidem in iustitia Dei nostri, & saluatoris  
 Iesu Christi. Gratia vobis, & pax adimplea-  
 tur in cognitione DEI, & Christi Iesu Domini  
 nostri: quomodo nobis omnia diuina virtutis  
 suae, quae ad vitam & pietatem donata sunt per  
 cognitionem eius, qui vocauit nos propria gloria  
 & virtute. 1. Ioan. 1. 1. 2. Quod fuit ab initio,  
 quod

quod audiuimus, quod vidimus oculis nostris, quod perspeximus & manus nostra contrectauerunt de verbo vite: & vita manifestata est, & vidimus, & testamur, & annunciamus vobis vitam aeternam, quae erat apud Patrem, & apparuit nobis, Ibidem. 5. 11. 12. 13. Et hoc est testimonium, quoniam vitam aeternam dedit nobis Deus. Et haec vita in Filio eius est. Qui habet Filium, habet vitam: qui non habet Filium, vitam non habet. Hec scribo vobis; ut sciatis quoniam vitam habetis aeternam, qui creditis in nomine Filii Dei. Vers. 20. 21. Et scimus quoniam Filius Dei venit, & dedit nobis sensum ut cognoscamus verum Deum, & simus in vero Filio eius. Hic est verus Deus, & vita aeterna. Apoc. 5. 9. 10. Et cantabant canticum nouum dicentes: dignus es Domine accipere librum, & aperire signacula eius, quoniam occisus es, & redemisti nos Deo in sanguine tuo, ex omnibus tribu, & lingua, & populo, & natione: & fecisti nos Deo nostro regnum & sacerdotes, & regnabimus super terram. Ibidem capit 7. 14. 15. 16. 17. Et dixi illi: Domine mi tu scis. Et dixit mihi. Hi sunt qui venerunt de tribulatione magna, & lauerunt stolas suas, & dealbauerunt eas in sanguine Agni: ideo sunt ante thronum Dei, & seruiunt ei die ac nocte in templo eius. Et qui sedet in throno, habitabit super illos: non esurient, neque sitient amplius, nec cadet super illos sol, neque ullus aestus: quoniam Agnus, qui in medio throni est, reget illos, & deducet eos ad fontes aquarum, & absterget Deus omnem lacrimam



nam ab oculis eorum. Capit. 22. 12. 13. 14. Ecce venio cito, & merces mea mecum est, reddere unicuique secundum opera sua. Ego sum A. & Ω. primus & nouissimus, principium & finis. Beati qui lauant stolas suas in sanguine Agni: ut sit potestas eorum in ligno vite, & per portas intrent in ciuitatem.



LIBER